



Broj: 01-115/12
Vareš, 31.05. 2012. godine

Z A P I S N I K
s 38. sjednice Općinskog vijeća Vareš,
održane 26.04. 2012. godine

Milan Knežević – zamjenik predsjedavajućeg Općinskog vijeća Vareš, otvorio je 38. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likčić, Ivan Lučić, Josip Malbašić, Željko Matić, Mario Mirčić, Majda Muftić, Nihad Parić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema

Pored vijećnika sjednici prisustvuju: Općinski načelnik - Hamdo Fatić, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranioca – Elma Brčić, šef Odsjeka za finansije – Boro Anđić, ispred Službe za privredu i finansije – Jadranka Radoš, poslanik u Skupštini ZDK - Fahrudin Brkić, predsjednici političkih stranaka, direktorica JP „Vareš-stan“ d.o.o. Vareš – Željka Petrović, ispred JKP d.o.o. Vareš – Mirko Vukančić, komandir PVJ Vareš – Izudin Muftić i predstavnica OSCE Terenski ured Zenica Johanna Kisielak.

Sekretar Općinskog vijeća izvijestio je Vijeće o realizaciji Zaključaka s 37. sjednice OV održane 29.03.2012. godine i dostavljenim odgovorima na vijećnička pitanja. Općinsko vijeće na 37. sjednici donijelo je 6 Zaključka. Od tog broja 5 Zaključka su realizovana, 1 Zaključak je u toku realizacije a odnosi se na Zaključak OV u vezi liječenja građana općine Vareš u KC Sarajevo. Na 37. sjednici OV postavljeno je 8 vijećničkih pitanja. Na 7 vijećničkih pitanja nadležni su podnosiocima dostavili odgovor u pisanoj formi ili su dati usmeni odgovori od strane Općinskog načelnika na samoj sjednici. Na 1 postavljeno vijećničko pitanje, postavljeno od strane vijećnika Mate Pavić koje se odnosi na pitanje rasvjete u naselju Selište u Varešu, Stručna služba OV i ON nije dobila pismeni odgovor.

Općinski načelnik Hamdo Fatić u okviru aktuelne problematike na području općine Vareš, za današnju sjednicu nije imao izlaganje. Napomenuo je da ako neko od vijećnika ima nešto za raspravu, da se može o tome raspravljati pod tačkom Tekuća pitanja.

Zamjenik predsjedavajućeg OV pozvao je vijećnike koji nisu zadovoljni sa dobivenim odgovorom na vijećnička pitanja ili imaju dopunska pitanja, da se izjasne.

Vijećnik Elvir Rožajac, izjasnio se da je zadovoljan sa odgovorom na postavljeno vijećničko pitanje na 37. sjednici vezano za uličnu rasvjetu. Izrazio je nezadovoljstvo u vezi odgovora koji je dobio od strane JKP d.o.o. Vareš, a u vezi zavrtaanja vode u gradu prilikom niskih temperatura i odvoza smeća.

Vijećnik Ismet Abdulahović, izjasnio se da nije dobio odgovor na postavljeno vijećničko pitanje, jer je isto proslijeđeno JKP d.o.o. Vareš. Naglašava da je pitanje postavljeno Općinskom načelniku i Općinskom vijeću. Ponovo postavlja pitanje „ Tko će snijeti posljedice za troškove koje nepotrebno proizilaze iz tužbi kojim direktor JKP d.o.o. Vareš utužuje građane MZ Dabravine, kada će prestati sa maltretiranjem ljudi i kada će prestati da se gomilaju troškovi u organu uprave“? Pitanje je upućeno Općinskom načelniku i Općinskom vijeću.

Vijećnik Mato Pavić, izjasnio se da je dobio odgovor na postavljeno pitanje u vezi obilježavanja prometnica kod tunela i na raskrsnici u Šiminom potoku. Naglašava da je ovaj problem iznosio i ranije i smatra da bi nadležni iz Općine Vareš trebali otići u Kantonalnu Direkciju za ceste, upoznati ih sa problemom i pokušati iznaći način za njegovo rješavanje, a ne čekati njihov pismeni odgovor.

Vijećnik Jasmin Salketić, izjasnio se da nije zadovoljan odgovorom na postavljeno vijećničko pitanje na 37. sjednici OV u kome je navedeno da je njegovo pitanje proslijeđeno JKP d.o.o. Vareš.

Vijećnik Džemo Kevrić podsjetio je na pitanje koje je postavio na 37. sjednici a koje se odnosilo na sanaciju svih lokalnih puteva na općini Vareš i na dopis upućen od strane MZ Striježevo i MZ Kokošičići u vezi sanacije lokalnog puta Striježevo-Kokošičići po kome je OV donijelo Zaključak da će se odmah izdati nalog za sanaciju dijela lok. puta. Napominje da se još uvijek nije krenulo sa sanacijom dijela puta.

(Vijećnička pitanja)

Nikola Šimić

1. Pitanje se odnosi na uništavanje, odnosno na nemogućnost prometovanja određenim prometnicama na području općine Vareš, konkretno na put kroz Bukovicu i put prema MZ Duboštica. Traži od Općinskog načelnika i nadležnih Službi u Općini Vareš da izvrše pritisak na JP Šumarija, odnosno na sve one koji vrše eksploataciju šumskog bogatstva na tim područjima, da rade po planu i projektu, jer je postalo nemoguće prometovati tim cestama, odnosno putevima. Napominje da je potrebno izvršiti i inspekcijski nadzor na tim putevima?

Tajiba Brkić

2. Traži od Općinskog načelnika da se lokalni put za MZ Budoželje što hitnije očisti od odrona?

Elvir Rožajac

3. Traži da se sa javne česme „Toplik“ ukloni tabla upozorenja da je voda neispravna za piće, jer je HES Doma zdravlja Vareš, prilikom redovnog uzimanja uzoraka vode, od nadležnih iz Kantona dobila nalaz da je voda na javnoj česmi „Toplik“ ispravna za piće, i da se pristupi sanacije javne česme?
4. Pitanje se odnosi na zaseok Golo Brdo MZ Ravne. Traži od Općinskog načelnika da se hitno pristupi sanaciji puta na Golom Brdu koji je uništen prilikom radova na dovodu vode sa Zubetskog vrela prema Golom Brdu, jer u zaseoku žive bolesna žena i dijete?

Jelena Zlobec

5. Da li će ikada doći na red sanacija stepeništa u Vareš Majdanu? Napominje da je isto pitanja postavljala i ranije dva puta.

6. Koliko je prošle godine podijeljeno rješenja za naknadu za korištenje gradskog građevinskog zemljišta i komunalnu naknadu, koliko je na to odgovoreno, odnosno koliko je uplaćeno i kuda je taj novac otišao?

Ibrišimović Izudin

7. Kada će se riješiti stambeno zbrinjavanje socijalnog slučaja jednog građanina u MZ Dragovići? Traži od Općinskog načelnika da se ovaj problem riješi sto prije?

Mato Pavić

8. Gdje bi se trebala trošiti sredstva od naknade za gradsko građevinsko zemljište i komunalnu naknadu i gdje se troše?
9. Kada će se dobiti javna rasvjeta na Selištu?

Mario Mirčić

10. Kada će biti postavljena vertikalna signalizacija na raskrsnici na Tisovcima? Traži konkretan odgovor sa rokom.

Ismet Abdulahović

11. Traži od Općinskog načelnika ako može da se pristupi sanaciji lokalnog puta Dabravine-Luke, jer je put uništen a nema drugog alternativnog puta.
12. Može li se postaviti signalizacija, da se zabrani izvoz balvana putem Dabravine –Luke, jer prolazak vozila preko 5 tona štete tom putu i mostovima na njemu?

Zamjenik predsjedavajućeg OV stavio je na raspravu zapisnik sa 37. sjednice OV .

Nije bilo primjedbi i zamjenik predsjedavajućeg OV stavio je na izjašnjanje zapisnik sa 37. sjednice OV i nakon izjašnjanja vijećnika konstatovao da je **zapisnik sa 37. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 38. sjednicu OV.

Za riječ se javio Općinski načelnik i predložio dopunu dnevnog reda 38. sjednice sa tačkom 6. „Zaključak o davanju saglasnosti za dodjelu koncesije za istraživanje i eventualnu eksploataciju mineralnih sirovina-olova, cinka i barita na lokalitetu Veovača, općina Vareš“, o čemu je dao i objašnjenje.

Nije više bilo primjedbi niti prijedloga za izmjenu ili dopunu dnevnog reda 38. sjednice OV i zamjenik predsjedavajućeg OV stavio je na izjašnjanje prijedlog Općinskog načelnika za dopunu dnevnog reda 38. sjednice.

Nakon izjašnjanja vijećnika zamjenik predsjedavajućeg je konstatovao da je **jednoglasno usvojen** prijedlog za dopunu dnevnog reda 38. sjednice.

Zamjenik predsjedavajućeg OV stavio je na izjašnjanje prijedlog dnevnog reda iz poziva za 38. sjednicu OV sa usvojenom dopunom i nakon izjašnjanja konstatuje da je **jednoglasno usvojen s l i j e d e ĩ**

Dnevni red

1. Izvještaj o izvršenju Općinskog budžeta u 2011. godini.

2. Pregled poslovanja proračuna/budžeta Općine Vareš za period 2006.-2011. godina.
3. Prijedlog Odluke o utvrđivanju cijena komunalnih usluga i visine naknade za priključno mjesto.
4. Prijedlog Odluke o načinu obilježavanja međunarodnih i državnih praznika u Općini Vareš.
5. Prijedlog Odluke o stavljanju van snage Odluke o niskoakumulativnim i deficitarnim djelatnostima.
6. Prijedlog Zaključka o davanju saglasnosti za dodjelu koncesije za istraživanje i eventualnu eksploataciju mineralnih sirovina-olova, cinka i barita na lokalitetu Veovača, općina Vareš.
7. Izvještaj o radu Općinskog pravobranilaštva za 2011. godinu.
8. Izvještaj o provedenim mjerama za vrijeme stanja prirodne nepogode na području općine Vareš, sukladno Programu razvoja zaštite i spašavanja ljudi i materijalnih dobara od prirodnih i drugih nesreća.
9. Izvještaj o stanju zaštite od požara na području općine Vareš sa akcentom na realizaciju Plana zaštite od požara i stanje opremljenosti PVJ.
10. Informacija o primjeni Zakona i Uredbe o šumama u FBiH sa podacima o tužbama i potraživanjima Općine Vareš.
11. Informacija o realizaciji Ugovora o koncesijama za 2011. godinu.
12. Informacija o ostvarenim prihodima u 2011. godini po osnovu odluka Općinskog vijeća Vareš i to:
 - a) Odluke o općinskim administrativnim taksama
 - b) Odluke o općinskim komunalnim taksama
 - c) Odluke o komunalnoj naknadi
 - d) Odluke o korištenju građevinskog zemljišta
 - e) Odluke o osnivanju vatrogasnog fonda za vatrogastvo
13. Informacija o planiranim i realizovanim aktivnostima u oblasti turizma na području općine Vareš u 2011. godini.
14. Informacija o stanju i aktuelnoj problematici u obrazovanju na području općine Vareš.
15. Informacija o zimskom održavanju lokalnih i regionalnih puteva i gradskih ulica.
16. Prijedlog Programa sanacije i održavanja kulturno-historijskih spomenika i spomen obilježja iz rata na području općine Vareš.
17. Tekuća pitanja.

Ad. 1.

*(Izvještaj o izvršenju
Općinskog budžeta u 2011. godini.)*

Komisija za privredu, finansije i budžet, na 21. sjednici održanoj 18.04.2012. godine jednoglasno je donijela Zaključak:

- Nakon razmatranja Izvještaja o izvršenju Općinskog budžeta u 2011. godini Komisija konstatira da se sredstva proračuna/budžeta i dalje troše netransparentno što dokazuje prekomjerno trošenje sredstava na pojedinim stavkama dok pojedine stavke se uopće ne tretiraju. Iz tih razloga, Komisija upozorava Vijeće na ovu činjenicu, prima k znanju predloženi Izvještaj i upućuje ga Vijeću na daljnji postupak.

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je svoje primjedbe, prijedloge, sugestije i mišljenja iznijeli vijećnici: Džemo Kevrić, Majda Muftić, Elvir Rožajac i Općinski načelnik koji je dao pojašnjenja za neke primjedbe iznesene u raspravi.

Zaključena je rasprava i zamjenik predsjedavajućeg OV, na osnovu vođene diskusije u raspravi predložio je slijedeći

Zaključak:

- Vijeće predlaže da se odgovorno i maksimalno pristupi racionalizaciji budžetskih sredstava u 2012. godini s tim da se izvrše maksimalne uštede gdje god je to moguće.

Zamjenik predsjedavajućeg OV uz predloženi prijedlog Zaključka, stavio je na izjašnjavanje Izvještaj o izvršenju Općinskog budžeta za 2011. godinu.

Nakon izjašnjavanja vijećnika zamjenik predsjedavajućeg je konstatovao da sa **8 glasova „ZA“**, **10 glasova „PROTIV“** i **2 „SUZDRŽANA“** glasa nije usvojen Zaključak i

Izvještaj o izvršenju Općinskog budžeta u 2011. godini.

Ad. 2.

*(Pregled poslovanja proračuna/budžeta
Općine Vareš za period 2006.-2011. godina.)*

Komisija za privredu, finansije i budžet, na 21. sjednici održanoj 18.04.2012. godine jednoglasno je donijela Zaključak:

- Nakon razmatranja Pregleda poslovanja proračuna/budžeta Općine Vareš za period 2006.-2011. godina, sa stanjem ukupnih potraživanja i obaveza zaključno sa 31.12.2011. godine, Komisija konstatira da je dostavljeni materijal napravljen detaljno, ali daje sugestiju predlagaču da u točki 2. predloženih mjera za sanaciju proračuna/budžeta dodaju se iznosi dugovanja navedenih subjekata, te da se pod točkom 4a. ili 5. doda slijedeći tekst: „Pokrenuti legalizaciju bespravne gradnje fizičkih lica (kuće, garaže, šupe) sukladno Zakonu.

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda.

Zamjenik predsjedavajućeg OV stavio je na izjašnjavanje Pregled poslovanja proračuna/budžeta Općine Vareš za period 2006.-2011. godina.

Nakon izjašnjavanja vijećnika zamjenik predsjedavajućeg OV je konstatovao da je sa **18 glasova „ZA“** i **2 „SUZDRAŽANA“** glasa usvojen

*Pregled poslovanja proračuna/budžeta
Općine Vareš za period 2006.-2011. godina.*

Ad. 3.

(Prijedlog Odluke o utvrđivanju cijena komunalnih usluga i visine naknade za priključno mjesto.)

Komisija za statutarna pitanja i propise na 30. sjednici održanoj 18.04.2012. godine jednoglasno je donijela Zaključak

- **Komisija za statutarna pitanja i propise predlaže da se u preambuli Prijedloga Odluke u zadnjem redu brišu riječi „a na prijedlog davaoca komunalnih usluga“, u članu 2. stav 1. iza riječi „člana 1.“ dodaju riječi „ove Odluke“ i u članu 2. stav 2. iza riječi „ članu 1.“ dodaju riječi „ove Odluke“. Komisija nema drugih primjedbi na Prijedlog Odluke o utvrđivanju cijena komunalnih usluga i visine naknade za priključno mjesto, te predlaže OV da prihvati Prijedlog Odluke u predloženom tekstu.**

Predlagatelj nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, sugestije i mišljenja iznijeli vijećnici: Elvir Rožajac, Ismet Abdulahović i Nihad Parić.

Zaključena je rasprava i zamjenik predsjedavajućeg OV stavio je na izjašnjanje Prijedlog Odluke o utvrđivanju cijena komunalnih usluga i visine naknade za priključno mjesto.

Nakon izjašnjanja vijećnika zamjenik predsjedavajućeg OV je konstatovao da sa **9 glasova „ZA“, 11 glasova „PROTIV“ i 1 „SUZDRŽANIM“ glasom nije usvojen**

Prijedlog Odluke o utvrđivanju cijena komunalnih usluga i visine naknade za priključno mjesto.

Vođenje sjednice je preuzeo predsjedavajući OV.

Ad. 4.

(Prijedlog Odluke o načinu obilježavanja međunarodnih i državnih praznika u Općini Vareš.)

Ispred predlagача Čedomir Jelić pomoćnik načelnika dao je dodatno pojašnjenje za ovu tačku dnevnog reda.

Otvorena je rasprava u kojoj je učestvovala vijećnica Dženana Bešić.

Zaključena je rasprava i predsjedavajući OV stavio je na izjašnjanje Prijedlog Odluke o načinu obilježavanja međunarodnih i državnih praznika u Općini Vareš.

Nakon izjašnjanja vijećnika, predsjedavajući OV je konstatovao da je sa **21 glasom „ZA“ usvojena**

Odluka o načinu obilježavanja međunarodnih i državnih praznika u Općini Vareš.

Ad.5.

(Prijedlog Odluke o stavljanju van snage Odluke o niskoakumulativnim i deficitarnim djelatnostima.)

Komisija za statutarna pitanja i propise na 30. sjednici održanoj 18.04.2012. godine, jednoglasno je donijela Zaključak:

- **Komisija za statutarna pitanja i propise predlaže da se u preambuli Prijedloga Odluke iza riječi „br: 35/09“ dodaju „riječi „i 42/11“ i „riječ „stav 2.“ zamijeni riječju „tačka 2.“. Komisija nema drugih primjedbi na Prijedlog Odluke o stavljanju van snage Odluke o niskoakumulativnim i deficitarnim djelatnostima, te predlaže OV da prihvati Nacrt odluke u predloženom tekstu.**

Ispred predlagača Jadranka Radoš upoznala je Vijeće za prihvatanje pravno-tehničkih ispravki u prijedlogu Odluke.

Predsjedavajući OV je konstatovao da je ovlašteni predlagač prihvatio stavove Komisije za statutarna pitanja i propise čime se oni postali sastavni dio Prijedloga Odluke.

Otvorena je rasprava u kojoj su svoje primjedbe i mišljenja iznijeli vijećnici: Nihad Parić, Dženana Bešić, predsjedavajući OV, ispred Službe za privredu i finansije pomoćnik načelnika Zihinja Krnjić i Jadranka Radoš koji su dali dodatna pojašnjenja i odgovorili na neka pitanja postavljena u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o stavljanju van Odluke o niskoakumulativnim i deficitarnim djelatnostima.

Nakon izjašnjavanja vijećnika, predsjedavajući OV konstatuje da je sa **20 glasova „ZA“ i 1 „SUZDRŽANIM“ glasom usvojena**

Odluka o stavljanju van snage Odluke o niskoakumulativnim i deficitarnim djelatnostima.

Ad. 6.

(Prijedlog Zaključka o davanju saglasnosti za dodjelu koncesije za istraživanje i eventualnu eksploataciju mineralnih sirovina-olova, cinka i barita na lokalitetu Veovača, općina Vareš.)

Predlagač nije imao potrebu za dodatnim obrazloženjem.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Mario Mirčić, Dženana Bešić, Ivan Lučić, Džemo Kevrić i sekretar OV Leon Pavlović koji je sugerisao predlagaču i Vijeću da se u preambuli ovog akta navede

- „Na osnovu člana 5. stav 4. Zakona o koncesijama („Službene novine FBiH“ broj: 40/02 i 61/06)“ i da se izvrše pravno-tehničke ispravke.

Vijećnik Mario Mirčić predložio je amandmane i to:

- **u tački I. stav 1. iza riječi „postupku“ dodaju se riječi „sa kojim se zaključi kupoprodajni ugovor.“**
- **u tački IV. stav 1. iza riječi „ugovora“ briše se tačka i dodaju se riječi „ , s posebnim težištem na okolinsku dozvolu, kojom će biti ispunjene norme u skladu sa Zakonima EU o zaštiti okoliša.“**
- **u tački IV. dodaje se novi stav 2. koji glasi: „Ugovor o koncesiji posebno će regulisati obaveze koncesionara o sanaciji rudnika po završetku eksploatacije i drugih površina koja su pretrpjela oštećenje prouzrokovano proizvodnim procesom.“**

Predsjedavajući OV pozvao je ovlaštenog predlagača da se izjasni o predloženim amandmanima.

Predlagač Općinski načelnik izjasnio se da prihvata predložene amandmane vijećnika Marija Mirčić i sugestije upućene od strane sekretara OV Leona Pavlović.

Predsjedavajući OV je konstatovao da je ovlaštenu predlagač prihvatio predložene amandmane čime su oni postali sastavni dio Zaključka.

Predsjedavajući OV stavio je na izjašnjanje Prijedlog Zaključka o davanju saglasnosti za dodjelu koncesije za istraživanje i eventualnu eksploataciju mineralnih sirovina-olova, cinka i barita na lokalitetu Veovača, općina Vareš.

Nakon izjašnjanja vijećnika predsjedavajući OV konstatuje da je sa **21 glasom „ZA“ usvojen**

Zaključak o davanju saglasnosti za dodjelu koncesije za istraživanje i eventualnu eksploataciju mineralnih sirovina-olova, cinka i barita na lokalitetu Veovača, općina Vareš.

Ad. 7.

(Izvještaj o radu Općinskog pravobranilaštva za 2011. godinu.)

Predlagač Elma Brčić zamjenica općinskog pravobranilaštva upoznala je Vijeće sa dvije tehničke greške u Izvještaju.

Otvorena je rasprava u kojoj su svoje prijedloge, sugestije i mišljenja iznijeli vijećnici: Dženana Bešić i Ismet Abdulahović.

Zaključena je rasprava i predsjedavajući OV stavio je na izjašnjanje Izvještaj o radu Općinskog pravobranilaštva za 2011. godinu.

Nakon izjašnjanja vijećnika predsjedavajući OV konstatuje da je sa **20 glasova «ZA» usvojen**

Izvještaj o radu Općinskog pravobranilaštva za 2011. godinu.

Predsjedavajući OV dao je pauzu u trajanju od 15 minuta, na traženje Kluba vijećnika SDA.

Nastavljeno je sa radom današnje sjednice.

Ad. 8.

(Izvještaj o provedenim mjerama za vrijeme stanja prirodne nepogode na području općine Vareš, sukladno Programu razvoja zaštite i spašavanja ljudi i materijalnih dobara od prirodnih i drugih nesreća.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Elvir Rožajac, Tajiba Brkić, Ivan Lučić, Jasmin Salketić, Dženana Bešić, Ismet Abdulahović, predsjedavajući OV Josip Malbašić, direktorica JP „Vareš-stan“ d.o.o. Vareš Željka Petrović i pomoćnik načelnika Željko Franjić koji je ispred predlagača dao pojašnjenje i odgovorio na neka postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjanje Izvještaj o provedenim mjerama za vrijeme stanja prirodne nepogode na području općine Vareš, sukladno Programu razvoja zaštite i spašavanja ljudi i materijalnih dobara od prirodnih i drugih nesreća uz slijedeći

Zaključak

- Obavezuje se ovlaštenu predlagač Izvještaja o provedenim mjerama za vrijeme stanja prirodne nepogode na području općine Vareš, sukladno Programu razvoja zaštite i spašavanja ljudi i materijalnih dobara od prirodnih i drugih nesreća, da razmotri sugestije iznesene na 38. sjednici OV i da u skladu s tim izvrši inoviranje procjena i Programa zaštite i spašavanja ljudi i materijalnih dobara od prirodnih i drugih nesreća.

Nakon izjašnjavanja vijećnika predsjedavajući OV konstatuje da je sa 20 glasom «ZA» usvojen predloženi Zaključak i

Izvještaj o provedenim mjerama za vrijeme stanja prirodne nepogode na području općine Vareš, sukladno Programu razvoja zaštite i spašavanja ljudi i materijalnih dobara od prirodnih i drugih nesreća.

Općinski načelnik zahvalio se predstavnicima OSCE-a Johanni Kisielak i svim radnicima na doniranim sredstvima Udruženju slijepih i slobodnih lica Vareša.

Ad. 9.

(Izvještaj o stanju zaštite od požara na području općine Vareš sa akcentom na realizaciju Plana zaštite od požara i stanje opremljenosti PVJ.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe, sugestije, stavove i mišljenja iznijeli vijećnici: Dženana Bešić, Elvir Rožajac, Nihad Parić, Ivan Lučić, predsjedavajući OV Josip Malbašić, poslanik u Skupštini ZDK Fahrudin Brkić i komandir PVJ Izudin Muftić koji je dao dodatno objašnjenje i odgovorio na neka pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjavanje Izvještaj o stanju zaštite od požara na području općine Vareš sa akcentom na realizaciju Plana zaštite od požara i stanje opremljenosti PVJ uz slijedeći

Zaključak

- Obavezuje se ovlaštenu predlagač Izvještaja o stanju zaštite od požara na području općine Vareš sa akcentom na realizaciju Plana zaštite od požara i stanje opremljenosti PVJ, da razmotri iskazane sugestije na 38. sjednici OV iznesene od strane vijećnika i drugih učesnika u raspravi i da u skladu s tim izvrši određene dopune Planova i Programa i da ih napravi tako da oni budu primjereni situaciji u kojoj se mi nalazimo.

Nakon izjašnjavanja vijećnika predsjedavajući OV konstatuje da sa 20 glasova „ZA“ usvojen predloženi Zaključak i

Izvještaj o stanju zaštite od požara na području općine Vareš sa akcentom na realizaciju Plana zaštite od požara i stanje opremljenosti PVJ.

Ad. 10.

*(Informacija o primjeni Zakona o šumama u FBiH
sa podacima o tužbama i potraživanjima Općine Vareš.)*

Komisija za privredu, finansije i budžet na 21. sjednici održanoj 18.04.2012. godine jednoglasno je prihvatila Informaciju o primjeni Zakona o šumama u FBiH sa podacima o tužbama i potraživanjima Općine Vareš.

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Dženana Bešić, Elvir Rožajac, Nikola Šimić, Ivan Lučić, predsjedavajući OV Josip Malbašić, Općinski načelnik, poslanik u Skupštini ZDK Fahrudin Brkić i zamjenica Elma Brčić koja je odgovorila na neka postavljena pitanja vijećnika u raspravi.

Zaključena je rasprava i predsjedavajući OV predložio je Vijeću da primi k znanju Informaciju o primjeni Zakona o šumama u FBiH sa podacima o tužbama i potraživanjima Općine Vareš uz slijedeći

Zaključak

- **Obavezuje se Općinski načelnik da nadležnoj instituciji uputi zahtjev za sankcionisanje onih koji su se oglašili o presudu Ustavnog suda FBiH, kad je u pitanju Zakon o šumama.**

Nakon izjašnjavanja vijećnika predsjedavajući OV konstatuje da je **sa 20 glasova „ZA“ usvojen predloženi Zaključak i primljena k znanju**

*Informacija o primjeni Zakona o šumama u FBiH
sa podacima o tužbama i potraživanjima Općine Vareš.*

Ad. 11.

*(Informacija o realizaciji Ugovora
o koncesijama za 2011. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je Općinski načelnik upoznao Vijeće o određenim Ugovorima o koncesijama i postupku njihove realizacije.

Zaključena je rasprava i predsjedavajući OV predložio je Vijeću da primi k znanju Informaciju o realizaciji Ugovora o koncesijama za 2011. godinu.

Nakon izjašnjavanja vijećnika predsjedavajući OV konstatuje da je **sa 19 glasova „ZA“ primljena k znanju**

*Informacija o realizaciji Ugovora
o koncesijama za 2011. godinu.*

Ad. 12.

(Informacija o ostvarenim prihodima u 2011. godini po osnovu odluka Općinskog vijeća Vareš i to:
a) *Odluke o općinskim administrativnim taksama*
b) *Odluke o općinskim komunalnim taksama*
c) *Odluke o komunalnoj naknadi*
e) *Odluke o osnivanju vatrogasnog fonda za vatrogastvo.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe i mišljenja iznijeli vijećnici: Ivan Lučić, Nihad Parić i Jelena Zlobec.

Zaključena je rasprava i predsjedavajući OV predložio je Vijeću da primi k znanju Informaciju o ostvarenim prihodima u 2011. godini po osnovama odluka Općinskog vijeća uz slijedeći

Zaključak

- **Obavezuje se nadležna Služba da predložene mjere za poboljšanje stanja, navedene u Informaciji o ostvarenim prihodima u 2011. godini po osnovu Odluka Općinskog vijeća, dopune prijedlogom vijećnika Ivana Lučića da se na adekvatan i primjeren način građani općine Vareš, upoznaju o karakteru ovih naknada i načinu njihovog korištenja, te smatramo da bi to povećalo razumijevanje potrebe da građani ovu vrstu naknade redovito izmiruju.**

Nakon izjašnjavanja vijećnika predsjedavajući OV konstatuje da je sa **19 glasova „ZA“ i 1 „SUZDRŽANIM“ glasom usvojen predloženi Zaključak i primljena k znanju**

Informacija o ostvarenim prihodima u 2011. godini po osnovu odluka Općinskog vijeća Vareš i to:
a) *Odluke o općinskim administrativnim taksama*
b) *Odluke o općinskim komunalnim taksama*
c) *Odluke o komunalnoj naknadi*
e) *Odluke o osnivanju vatrogasnog fonda za vatrogastvo.*

Ad. 13.

(Informacija o planiranim i ostvarenim aktivnostima u oblasti turizma na području općine Vareš u 2011. godini.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV predložio je Vijeću da primi k znanju Informaciju o planiranim i ostvarenim aktivnostima u oblasti turizma na području općine Vareš u 2011. godini.

Nakon izjašnjavanja vijećnika predsjedavajući OV konstatuje da je sa **20 glasova „ZA“ primljena k znanju**

Informacija o planiranim i ostvarenim aktivnostima u oblasti turizma na području općine Vareš u 2011. godini.

Ad. 14.

*(Informacija o stanju i aktuelnoj problematici
u obrazovanju na području općine Vareš)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Dženana Bešić, Ismet Abdulahović, Elvir Rožajac, Nikola Šimić i Tajiba Brkić.

Zaključena je rasprava i predsjedavajući OV predložio je Vijeću da primi k znanju Informaciju o stanju i aktuelnoj problematici u obrazovanju na području općine Vareš.

Nakon izjašnjavanja vijećnika predsjedavajući OV konstatuje da je **sa 19 glasova „ZA“ primljena k znanju**

*(Informacija o stanju i aktuelnoj problematici
u obrazovanju na području općine Vareš.)*

Ad. 15.

*(Informacija o zimskom održavanju
lokalnih i regionalnih puteva i gradskih ulica.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Elvir Rožajac, Nihad Parić, Ivan Lučić, Mato Pavić, Majda Muftić, Ismet Abdulahović, Kenan Kamenjaš, Mario Mirčić, Željko Matić, Jelena Zlobec, Tajiba Brkić, Dženana Bešić, Nikola Šimić, predsjedavajući OV Josip Malbašić i Općinski načelnik Hamdo Fatić.

Predsjedavajući OV dao je pauzu u trajanju od 5 minuta.

Nastavljeno je sa radom današnje sjednice.

Vijećnik Kenan Kamenjaš ispred Kluba vijećnika SDA izvijestio je Vijeće da vijećnici Kluba SDA napuštaju današnju sjednicu, zbog neprimjerenog odnosa i ponašanja predsjedavajućeg u toku rasprave prema predsjednici Kluba SDA Dženani Bešić.

Na zahtjev vijećnika Ismeta Abdulahović i predsjedavajućeg OV, da sekretar OV pročita član 67. i 68. Poslovnika o radu OV, sekretar OV je pročitao navedene članove Poslovnika o radu OV.

Vijećnik Ismet Abdulahović ispred Kluba vijećnika BPS izvijestio je Vijeće da vijećnici Kluba BPS napuštaju današnju sjednicu, zbog povrede člana 68. Poslovnika o radu OV.

Predsjedavajući OV dao je pauzu u trajanju od 5 minuta.

Nastavljeno je sa radom današnje sjednice.

U daljnjoj raspravi su učestvovali: vijećnici Nihad Parić, Jelena Zlobec, Općinski načelnik, predsjedavajući OV i građevinsko-komunalni inspektor Snježana Kokor koja je dala dodatna pojašnjenja.

Zaključena je rasprava i predsjedavajući OV predložio je Vijeću da primi k znanju Informaciju o zimskom održavanju lokalnih i regionalnih puteva i gradskih ulica uz slijedeći

Zaključak

- **Pošto su u raspravi vođenoj o Informaciji o zimskom održavanju lokalnih i regionalnih puteva i gradskih ulica iskazane određene sumnje u valjanost nadzora na izvođenju radova za vrijeme zimskog održavanja puteva, da se izvrši provjera i ukoliko se utvrdi tako nešto da se predloži adekvatniji način nadzora.**

Nakon izjašnjavanja vijećnika predsjedavajući OV konstatuje da sa **10 glasova „ZA“ i 1 „SUZDRŽANIM“ glasom nije prihvaćen predloženi Zaključak i**

***Informacija o zimskom održavanju
lokalnih i regionalnih puteva i gradskih ulica.***

Ad. 16.

*(Prijedlog Programa sanacije i održavanja kulturno-historijskih spomenika
i spomen obilježja iz rata na području općine Vareš.)*

Ispred predlagača Rusmir Berberović pomoćnik načelnika dao je dodatno obrazloženje za ovu tačku dnevnog reda.

Otvorena je rasprava u kojoj je učestvovao zamjenik predsjedavajućeg OV Milan Knežević i predložio da se u Program sanacije i održavanja kulturno-historijskih spomenika i spomen obilježja iz rata na području općine Vareš uvrsti i spomen česma u MZ Pržići.

Predsjedavajući OV pozvao je ovlaštenog predlagača da se izjasni o iznesenom prijedlogu Milana Knežević o dopuni Programa sanacije i održavanja kulturno-historijskih spomenika i spomen obilježja iz rata na području općine Vareš.

Ispred predlagača Rusmir Berberović izjasnio se da prihvata predloženi prijedlog za dopunu Programa sanacije i održavanja kulturno-historijskih spomenika i spomen obilježja iz rata na području općine Vareš.

Predsjedavajući OV stavio je na izjašnjavanje Programa sanacije i održavanja kulturno-historijskih spomenika i spomen obilježja iz rata na području općine Vareš uz prihvaćenu dopunu.

Nakon izjašnjavanja vijećnika predsjedavajući OV konstatuje da je sa **11 glasova „ZA“ usvojen**

***Program sanacije i održavanja kulturno-historijskih
spomenika i spomen obilježja iz rata na području općine Vareš.***

Ad. 17.

(Tekuća pitanja.)

1. Predsjedavajući OV upoznao je prisutne o Inicijativu za dopunu Etičkog kodeksa i njegovu promociju, upućenu od strane OSCE-a Terenski ured Zenica.
Otvorena je rasprava u kojoj je učestvovao vijećnik Ivan Lučić i predložio da Inicijativu za dopunu Etičkog kodeksa razmatra naredni saziv Vijeća.
Predsjedavajući OV stavio je na izjašnjavanje slijedeći

Zaključak

- **Vijeće prihvata Inicijativu OSCE-a za promociju Etičkog kodeksa, koja će se održati u junu mjesecu tekuće godine a smatra da se inicijativa za izmjene i dopune Etičkog kodeksa razmatra u novom sazivu Vijeća.**

Nakon izjašnjavanja vijećnika predsjedavajući OV konstatuje da je sa **11 glasova „ZA“ usvojena**

Inicijativa za promociju Etičkog kodeksa.

2. Predsjedavajući OV upoznao je Vijeće da je od strane MZ Dabravine, Općinskom vijeću dostavljen dopis na znanje koji je upućen Uredu disciplinskog tužioca, Visokom sudskom

i tužilačkom vijeću i Instituciji Ombudsmena za ljudska prava sa molbom da se ponovo uključe u problem u predmetu Žalba broj: Ž-Sa-05-769/1 od 20.07.2011. godine.

3. Vijećnica Jelena Zlobec podsjetila je na pitanje u vezi liječenja građana općine Vareš u KC Sarajevo.
Općinski načelnik izvijestio je Vijeće da je akt urađen, ali još nije poslan nadležnim institucijama jer je zamoljen od strane rukovodstva Općine Olovo da se sačeka dok se ne završi postupak ugovaranja posla za Općinu Olovo.
Predsjedavajući OV podsjetio je Općinskog načelnika na Zaključak Vijeća da se akt u vezi liječenja građana općine Vareš, odmah uputi nadležnim institucijama.
4. Vijećnik Mato Pavić traži od Općinskog načelnika da obavijesti nadležne iz Direkcije za ceste da se izvrši sanacija regionalnog puta.

Predsjedavajući OV je u ime Općinskog vijeća i u svoje lično ime svim građanima općine Vareš čestitao je nadolazeći Praznik rada – 1. maj.

Sjednica je završena u 15 sati i 50 minuta.

S E K R E T A R

Leon Pavlović

PREDSJEDAVAJUĆI

Josip Malbašić

ZAPISNIČAR

Azra Ibrahimović